



SIARAN MEDIA

OPERASI RAYA PKP BERSEPADU BERSAMA TUAN YDP MPS, PDRM DAN KPNDHEP

MPS bersama Polis Diraja Malaysia (PDRM) dan Kementerian Perdagangan Dalam Negeri dan Hal Ehwal Pengguna Negeri Selangor (KPNDHEP) pada hari ini telah meninjau dan membuat pemeriksaan ke atas empat buah pasar moden di Selayang Baru, Taman Sri Gombak, Rawang dan Bandar Country Homes.

Operasi ini dijalankan bagi memantau kepatuhan para peniaga terhadap pematuhan SOP Perintah Kawalan Pergerakan (PKP) serta pemeriksaan harga jualan ke atas barangan kawalan oleh KPNDHEP.

Pada operasi ini, teguran secara lisan berkaitan penambahbaikan ke atas kawalan kemasukan pelanggan di Pasar Selayang Baru telah dibuat memandangkan orang ramai mula berpusu-pusu membuat persediaan menyambut Aidilfitri. Selain itu juga, para peniaga didapati tidak mengambil kesempatan dengan menaikkan harga-harga jualan meskipun pasaraya berdekatan yang terlibat dengan HIDE telah ditutup pada beberapa hari yang lepas. Untuk makluman, tiada sebarang tindakan kompaun dikeluarkan memandangkan keadaan pasar yang diperiksa adalah terkawal dan baik.

Operasi yang bermula pada jam 8.30 pagi ini telah melibatkan Tuan Haji Shamsul Shahril Badliza bin Mohd Noor, YDP MPS, Tuan Deveandran A/L Selvaraju, Ahli Majlis Zon 7, pengarah Jabatan Penguatkuasa dan Keselamatan, Jabatan Pelesenan, Jabatan Pengurusan Harta dan Penilaian, 18 orang anggota PDRM, 10 anggota KPNDHEP dan 45 orang anggota Penguatkuasa MPS.

MPS berharap para peniaga dan pengunjung sentiasa dapat mematuhi SOP yang telah ditetapkan agar rantaian pandemik Covid-19 dapat diputuskan. MPS bersama rakan agensi juga akan sentiasa membuat pemantauan dari masa ke semasa agar masyarakat tidak terus leka dan tindakan tegas akan dikenakan kepada mereka yang ingkar.

#TAMAT#

**Dikeluarkan Oleh:
Mohamad Zin Bin Masoad A.M.S.
Pengarah
Jabatan Korporat**

**B.P
Yang Dipertua
Majlis Perbandaran Selayang**

12 Mei 2021